

廬山歷代詩廣存

廬山志副刊之三
附歷代詩存補遺

冊三 全

民國詩廣存目錄

譚延闓

十一首

王

易四首

共十五首

近代詩廣存目錄

陳三立

八十五首

冒廣生六首黃

侃六首吳汝澄一首王源瀚二首

胡文輝

十一首

胡先驕

十五首

黃

巽一首熊

光一首彭

森二首

萬紹修四首呂

琛二首李啓琛三首陳

詩二首徐

鑒四首

黃伯度一首張

珩一首

共一百四十七首

民國詩廣存

譚延闓事蹟見志詩存

含鄱嶺下棲賢寺 懸崖直下三千級磴道迴旋九十盤回首下方雲
似絮始知人海正漫漫

海會寺

海會寺前松萬樹祇憐不是昔時栽湖光在檻山光牖何處

重尋太白臺

原注寺壁有詩云是太白讀書臺舊地其寺背五老面鄱陽

普超上人血寫華嚴在海會寺 南行與雪五年別失喜相逢五老前

門外萬松噤不語孤鐙殘血對經箋

白鹿洞

當時書院無完宇新種松株長舊圍誰信樹人輸樹木兩廊

林立教思碑

原注書院碑多諸生頌院長語今爲農林學校

畫象成都有遺則誰教禮殿作金身晦翁苦說開元禮輸與張璪作解人

原注孔廟皆塑象朱子曾有論古今坐不同與諸生書

萬杉寺五爪樟

萬杉去盡孤樟在已作康乾後輩論若見歸宗門外

樹故應相喚是兒孫

原注萬杉五爪樟最有名然不如歸宗之古康乾人詩無及之者

漱玉亭

漱玉亭空餘斷碣白龍雙瀑入雲深奇觀自是山靈閱未必

飛流有古今

原注康有爲題云三至觀瀑瀑日以小

歸宗寺

寺門無復復生松象教淩夷大法空煩惱本來除不盡此行

眞似曉聞鐘

曇詵手植西來種千古人矜寶樹奇誰識道旁雙榦在密

陰如幄護虬枝

原注去觀音橋五里道旁二樹參天蔽日土人云亦寶樹也

溫泉見金輪耶舍塔

溫泉觥沸野田裏醉石陂陀荒澗中栗里柴桑

无處所雲開稍喜見金輪

含鄱口

山南積氣雲成海山北凝寒雪作冰只此便能殊氣候問誰

人上最高層

大月山

雪晴眞得識廬山五老香爐指點間罨畫樓臺何足道巉巖

高處一開顏

王易事蹟見志詩存

御碑亭下臨仙人洞 蕪亭立雨三弓盡松蓋搖風四座寒溪上閒花
隨鳥啄人言此地有龍蟠老仙自去石留蘚斜日歸來酒滿鞍願許堂坳
安小築夜檐猶舞萬珠盤

佛手崖看雲留連久之 道人量火試春茶終古雲根洗石華過客癡
來記名字問天無處不蟲沙窮年小室楊生肘何日晴泥燕作家安用滄
溟徙鵬翼亂峯蘇徑足煙霞

天池寺瞻明太祖像 天府東南地雲窩薜荔牆斷蹊秋策馬荒寺晚
聞蜚何代無夷夏伊誰應帝王豐頤亦奇物呼爾伴滄桑

晚步小天池望鄱湖 萬山垂被水雲鋪肯付荆關入畫圖別浦煙波
鷗鷺穩南溟風味鷗鷺殊支筇此地懷真宰脫屣何年有大孤乞與山靈
護腰脚夕陽最好不須租

近代詩廣存

陳三立略歷見志詩存

九江煙雨亭

昨宵江上雨明滅在湖臺衆綠浮山動飄紅映水迴雲
低盤燕羽日細暖魚腮挂夢鐘樓外匡君識酒杯

始去潯陽入廬山

背郭心無涯攀巘氣已接元翠界天飛雲光爛雙
頰伊余睠道眞攜侶就登躡目挂九江船思冷千山葉乍睹林欲高重尋
徑辭捷天霄下游龍噓雨灑宙合鴻濛閱靈蹤響籟誘奇答襟延萬象親
興與良苗愜纖風扇榆柳長谷亂鶯蜨煩斷蒼煙根勝游賢負笈

晚抵東林寺宿

千山驅人不得語勢與猛風爭臂齊陰林出沒又高

原飄思連愁何處所天痕乍映浮圖出壞寺荒垣颯寒雨入門驚笑一拂
衣喚進盤飧倒尊甌坐窺奇峯各有狀赤巖銀瀑若初吐須臾大雲障裏
之旋復崩漏相捍拒其時困憊鐙在壁扶牀始欲展兩股小僮好事持燭
回照數斷碣復起舞

原注寺壁有柳誠懸李北海斷碑

慧遠陶潛不在世哲人風迹乃敢

廬山謠寄盧侍御虛舟
侮吾於佛說劇茫昧但睠廢興生歎撫夜深萬竅猶喧逐公挾蛟蚪鬪虢
虎千念往與頑怪通騰降有如白遇杵衾孤夢寐失鳴鷄廚虛甕盎絕飢
鼠麋雷賸取僧不歸安得天音送鐘鼓

別東林趨通遠驛未至十餘里託宿村舍 又逐飛雲西復東鳴霄大

壑亞天風歌呼時起千林鵲襟佩寒依一徑蟲谿轉笙竽邀籟靜雨冥村
塢上鐙同柴門卻許添麋睡愧汝忘机織履翁

發義門鋪道上 九州寒雨響空山聽瀑看雲心往還木杪自添谿漲
急洶呼休更向人間 巖複林重風所悲仙源採取恐無期道心先遣憐
僮僕看到纖泥沒蹀時

通遠驛旅夜 除榻依豬狗呼牆有燕鶯飄鐙昏接雨低案冷扶醒狂
詠兼游處生心得弟兄天頑嬉宇宙爲鬪夢中觥

驛邸夜飲聞燕語因賦 虛堂傳酒瓦盆低銀燭搖煙照暗栖應記雕

梁閱歌舞模糊爲客數聲曉 千樹花飛銜盡春荒山看汝一傷神他時

細雨孤燈夜初莫逢人作薄嗔

歸宗寺夜宿待月上 名山造清嚴法場禮崇廣連木翼雲齊奇岫弼
霄朗結構排青冥依棲撫萊莽下方接雞犬垂座衛龍象峨峨金輪峯大
月吐其上天人涵虛澄山河浮滉瀟屢刼升萬靈四界沈一想若若物我
遺疊疊德心長微吹生無倪圓塵妙相獎吾黨何言說彌天寂鐘響

金輪峯下噴雪亭觀瀑 化人飄霜髯下飲龍蛇窟不然九天潰一孔

瀉蕩潏我聞震心魂探歷特踔出崎嶇百盤底躋此鳥翼側已訝地維穿
恍接天根立破碎髓骨痕萬象中撓鬱其流所紛盪遂浴日月色吹肌迴
漚塵但有元氣溼鴻荒接浩浩勢欲棄瀛渤破山飛雷霆咽入嬰兒泣元
化豈爾留五運珠跳隙石梁狎湖嶠倒影雪色壁從茲契真源呼童煮新
汲

青玉峽龍潭 天飈橫斷鵝池北葉飛片片殘陽色將攜復在漱玉亭

地迥霄空盪深黑上有堅蒼之絕壁銀河怒翻出霹靂斗落乍起旋逶迤

窈冥弄影浮酒卮，橢圓鏡面唾巖淥。寒入海竅蛟鼉窺，光景娛人不能去。
閒尋昨歲留題處，疊壑雕鐫荒蘚落。一笑蒼茫欲誰語，澄潭倒插雙劍峯。
掉頭吟嘯雲氣濃，海山飄颻呼李白。眞與青天騎白龍。

萬杉寺五爪樟歌

匡廬有奇樹，厥名五爪樟。根株據地德，柯葉鳴笙簧。
翻風洩霧青冥右，勢壓千山萬山秀。異景常驚仙魅過，孤標已拒蛇龍救。
乾端坤倪氣廣漠，枝柱鴻濛影飛鶴。世人那識參天心，祇賞雲光爛巖壑。
拂拭從思皇古年，旁松鄰檜同剛堅。出逢海客探榮落，道漑靈栖第六泉。

三峽泉舊有一猿爲山農持去，易五贖歸。戲題絕句。前度聞嘯月滿山巖，
栖今祇白雲關。主人哀樂差殊汝，傳向人間得自還。

雨坐琴志樓。雨底嘯滄海，飛風無際涯。畫樓貪燕鵲，酒椀接龍蛇。世
外雲爲帝，天邊瀑有芽。陸沈馴一壑，隱几數年華。

三峽澗連理松歌

三峽澗側連理松，蹲立如虎騰如龍。修枝纖葉何

龍嵒各有姿態臨丰茸虧蔽日月昏雲重哀壑寫湍千杵春月宵雨辰曉
蟻蛩荒山更有鼓與鐘依倚堅固維敬恭樵牧嗟歎仙憧憧人世萬命如
潰癰可憐此樹同福凶首陽夷齊留高蹤梁鴻孟光吳會從管鮑膺泰相
諧離旁置峽壑爲垣墉鄰里羅列柏檜樅情不可死道可宗海枯石爛能
追逢攜二三子來支筇誰其知者五老峯

聞蟋蟀

怪汝微蟲傍澗鳴飄風帶雨併秋聲祇憐人世光陰速聽入

仙山更暗驚

夜雨聞歌

沈雨歌聲細拂牀空山太古夜茫茫飄零心事鈞天在不

待風翻已斷腸

由玉淵至棲賢寺觀羅漢畫像

松杉冥冥了長谷爭踏玲瓏一頃玉

雪虬倒飲甕盎隘首下尻高誰敢束瀑聲飛送棲賢寺行攜寒雨造廊曲
寺僧愿慤導之游雜出蔬筍飽飢腹大鐘不動堂宇靜五老下瞰元化肅
臨階捧視羅漢圖國初以來遺百軸乍披一二意慘澹怪變已足駭童僕

徐尋衆妙軼萬象大千不值藏一粟吾愛尊者無言說但騎龍鸞跨獅鹿
游翔九州彈指耳戲傾海水爲悲哭此來亦祇衆生相旬日雨阻千峯麓
對佛感歎際天地尤痛發興先裏足虛空破碎贅一杖心造萬物丐地縮
同游三子若有悟笑指羅漢兩瞑目天人恩恩要安歸水自不閒山自綠
栖賢寺舍利 古寺來尋劫外花忽驚靈塔氣蒸霞悲心更有非非想
毀盡元黃覓一沙 泡影能爲天地根眉尖微粒欲何言

原注舍利傾盤中可用眉毫引

起暫憑圓滿光明相爲破無邊四海昏

臥龍岡瀑布

匡山瀑布如羣龍凌風徧挂東南峯臥龍岡瀑更異態

若以孤挺包奇雄飛厓劍削界一線環束天色團團通外向稍闢作門戶
恍臨缺月懸張弓瀕洞靚杳潭水在下育物怪誰能窮颺煙濺沫冷人眼
時復掩映巖花紅何來釣竿倚瀨側細鱗躍入筠籃中長鯨巨黿厲牙齒
轉吐寸餌嗤此童古人學道領幽異築室爲思朱晦翁日月次濤造化狎
天置冰雪澆心胸出憇田舍萬竹蔽尙聞此瀑鳴洪鐘歸來鐙火一摹揣

魂夢吹下千蛺虹

慈航寺是去歲梁節庵黃仲方易由甫及予同宿處 曾記松枝映日

紅繩床負壁隔天風癡兒祇解歸藏易看向頭皮捉一蟲

原注時由甫以殷易解老

黃生嬌逸梁髯憊各以鼾聲助瀑聲夢醒蚊雷揮汗處依稀今有佛鐙明

仙人掌和羅二 牆根斷落仙人掌拂盡巖阿無此花拚映青泥拋雨

臥爲驚翠袖倚風斜麻姑手爪滄桑見漢帝金莖日月賒早晚擎天持汝
去戲從瘴海蔽龍蛇

別琴志樓 夢魂畱雨色襟袂拂晴山爲慕宗雷侶能同雲壑閒酒杯
窺罔兩鼻涕映溪巒鶯蜨相憐意花吹待共還

白鹿洞 松色延飛蓋谿流咽古年雲蛺初麗壑棟牖與窺天大運龍
麟杳清音猿鶴傳予來訊鄉國孤抱轉茫然

登五老峯旁觀三疊泉 崑岷盡地氣扶搖躡天根蹴此鴻荒穿捫彼
日月存廬阜峻南維蕩蕩以渾渾倔強海嶽外陵控荆揚昏元精有蓄洩

噴溜撼瑤門旁窺大造施拘怒從飛翻蜿蜒螭龍勢悸慄猿鳥魂聲裂萬
壑底終古尋無源回瞰八極色湖江浩相吞粒粒郡國界汙汙洲嶼痕天
風吹碧虛雲物正巘岼飄颻出宇宙始覺吾心尊摩挲幻流峙噓翕生涼
溫頽然順大道可忘不可論

海會寺題贈至善上人 嶺松青作海藹藹見罌窻石檻峯留色雲廊
日吐絲諸天懸粟界屢劫有蓮池長老符清靜壇場自得師

吳章嶺歸途望廬山 千盤百疊吳章嶺赤日能呼五老峯放蜨巖風
香草木飲牛澗瀑亂球琮拂殘闔闔襟邊酒歸去江湖鬢外蓬學道尋仙
無一遂何年五嶽起吾胸

注以上爲光緒十
九年游廬山時作

過訪梁壁光翁小天池精舍作 微徑俯絕壁巖腹延一線人影搖虛
空幾同垂趾眩折趨聳陵岑逶迤拓郊甸洵控一隅勝奧曠頗兼擅梁侯
好兄弟草昧資創建通驛繕蹊途聚居列庭院開窗納江湖孤嶼眼中見
天雲白浩浩投雁疾傳箭千里寒吹迥飛葉蔽鄉縣我來訪道流賞覽展

夙願矧雜吟，喟聲佛緣挈。仙眷茗酌敷，清論心醉忘。血戰猥攀塵，外蹤抱一終不變。

晴旦散步眺門外諸山，遂至俞三所置宅。初暾破鴻濛，晴暉一窗滿。

置膝曝散帙，呵氣塵埃暖。遂攜調語雛，引步遵町疇。千山帶微嵐，草痕寫漫誕。歲暮游蜂絕，木落棲鳥罕。側徑踏犖确，咫尺緬別館。蒙密圍松株，翳旭儼張繖。薜蘿欲緣壁，几榻託閒散。依枕鏘溪流，墜夢與濯澣。伊人專一壑，卜鄰稱老嬾。買山隱巢由，自詭逃堯伴。來往杖白頭，魑魅瞰茗椀。

天泉洞 斷壑天成甕，盎形山人尋勝亦題名。何當倚杖聽泉滴，洞口

挑雲贈女嬰

原注謂女孫小從

仁先視女疾來匡山見過感賦 羈恨分埋海水深，窮山弔影復相尋。

移家兒女商調藥，絕意神仙有入林。充隱竟迷玄豹跡，長饑來接夜猿吟。此生歌哭煩收拾，念亂傷離萬古心。

山居曉起 冬暄山氣熾，烘寐掖孤眠。寫影槎枒樹，傳音斷續泉。海涯

移病骨世外放華顛頗愧陶彭澤持醪五柳前

晨起雪晴寫寓目 新天開寤寐持夢曝寒晴浩浩生銀海提提坐化

城流雲交窈窕睡壑欲崢嶸含酌飛光榻微浮過雁聲

晨起遣興 侵枕號長風起矚晨光吐晴陰盪游氛非煙亦非霧滌此

積雪姿澗壑爭暴露氣候無端倪晦明自成趣鬱鬱閱精靈悠悠縣賞悟
沈漻足音絕老骨挺歲暮作鄰夷獠居炊冷見禿樹獨躡太古蹤違天若
有慕苟脫沙蟲哀寧辭猿鶴妬

對雨 脫雪俄飛雨荒居別有天一雲爭冷暖衆壑閱嫵妍響葉疑來
展添泉倚奏絃孤鷹濕毛翮騰汝夕陽邊

夜聞雨不寐 中宵驟雨勢縱橫如戰昆陽屋瓦鳴習靜入山翻擾擾
推衾孤向短鐙檠

微晴步尋壽丞新宅 閉置誰窺臥雪心微晴躍杖起重尋蒙籠戀壑
片嵐曙寂歷存枝孤鵲吟齧石澗泉流活活依松廊館影沈沈橋西更愛